



Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 187. Nannetensis Episcopus a Parisiensi Curia exauctoratus

[urn:nbn:de:hbz:466:1-66507](https://nbn-resolving.de/urn:nbn:de:hbz:466:1-66507)

bus tuebantur. Caroli quoque Noverca Sæcul. XV.
 illius opprimendi studio accensa, non pa- A.C. 1456.
 rum diffensionum flammas auxit, patris-
 que animum adversus eum acrius conci-
 tavit, unde implacabile odium, & sæ-
 vissimum exarsit bellum. Carolus Prin-
 ceps prælio contra Patrem suum inito
 devictus, captusque est; paulo post ta-
 men libertati afferebatur, Arragonensi-
 bus inter utrumque pacem concilianti-
 bus. Verum haud diu concordia tenuit,
 novis mox turbis ex nimia Patris cupi-
 ditate, & improba Filii indignatione
 conflatis.

§. CLXXXVII.

Nannetensis Episcopus a Parisiensi Curia exauditoratus.

Præsens annus luculentum nobis sup- Thefaur.
 peditat eximii fervoris specimen, quo Chronol.
 Parisiensis Senatus Ecclesiæ Gallicanæ P. Romualdi
 libertates continuo tueri allaborat. Gui- Folietan. ad
 lielmus de Maletroito Nannetensis Epis- ann. 1455.
 copus a quodam Caroli VII. edicto Ro-
 manam provocavit. Senatus postulante
 Procuratore Generali Episcopum propter
 suam appellationem temporalibus Epis-
 copatus bonis lata sententia exuit, cau-
 fatus, Ecclesiæ Gallicanæ privilegia, ac
 primarias regni leges violatas esse, quæ
 ejusmodi provocationes penitus inhibe-
 rent, eoquod Rex nemini præterquam
 foli

Sæcul. XV. soli Deo in temporalibus auctoritatem
A.C. 1456. suam in acceptis referat, nec alium superiorem se in terris agnoscat. Eodem quoque decreto declaratum fuit, minime dubiam esse summi Pontificis auctoritatem, vi cuius idem servata juris forma Regem anathemati subjicere posset, non tamen Papæ datum, ut illum regno priuare, illudque primo occupanti conferre, vel subditos fide sibi data liberare valem̄t. Præterea statutum fuit, quod non in alio tribunali, quam in Regis curia de ejusdem juribus caussa dijudicanda foret, ac Episcopis a Regiis decretis atque edictis appellandi, eademque per summos Pontifices irrita ac nulla declarandi adeo nullum competeret jus, ut nequidem inconsulto Rege eis integrum esset, regno excedere, minus vero summis Pontificibus Regis subditos coram se in jus vocare liceret. Talia Procurator Generalis exposuit. Episcopus vero Ecclesia Nannetensi se abdicavit, illamque Nepoti suo cessit, concessio sibi a Pontifice Theffalonicensis Archiepiscopi titulo. Hæc tamen primum sub Pii II. Pontificatu anno millesimo quadringentesimo sexagesimo secundo gesta novimus.



HISTO-